

ACTA DA XUNTA DE GOBERNO LOCAL

Sesión do 10 de febreiro de 2006

SEÑORES/AS ASISTENTES:

D^a. Corina Porro Martínez
D^a. Lucia Molares Pérez
D. Ignacio López-Chaves Castro.
D. Javier Jorge Guerra Fernández
D. Antonio Coello Bufill

NON ASISTEN:

D. José Manuel Figueroa Vila
D. José Manuel Iglesias Carrera
D^a. Soledad Polo Lima
D. Carlos Comesaña Abalde
D^a. Marta Iglesias Bueno

Na Casa do Concello de Vigo, ás dez horas e vinte minutos do día dez de febreiro de dous mil seis e baixo a presidencia da Excm. Alcaldesa, Sra. Porro Martínez, coa asistencia dos concelleiros/as anteriormente citados, actuando como Secretaria a concelleira, Sra. Molares Pérez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están presentes por invitación, o concelleiro Sr. Couto Pérez, o titular do órgano de apoio á Xunta de Goberno Local, Sr. Lorenzo Penela, e o interventor xeral, Sr. González Carnero.

A Xunta de Goberno Local adopta os seguintes acordos:

1(153).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(154).- PROXECTO DE CONVENIO DE COLABORACIÓN ENTRE O CONCELLO DE VIGO E SERVICIOS HÍPICOS HIPIGAL S.L. PARA A COPA DO MUNDO DE SALTO DE OBSTÁCULOS DE VIGO (CSI-W), QUE TERÁ LUGAR EN VIGO DOS DÍAS 10 AO 12 DE FEBREIRO DE 2006. EXPTE. 6014/333.

Examinadas as actuacións do expediente, visto o informe xurídico do 31.01.06 e de acordo co informe-proposta do director deportivo do IMD, do 13.01.06, conformado pola concelleira da Área de Promoción Económica e Desenvolvemento Local e polo interventor xeral, a Xunta de Goberno local acorda:

1º.- Autorizar a organización da COPA DO MUNDO DE SALTO DE OBSTÁCULOS DE VIGO (CSI-W) que vai ser organizado por Servicios Hípicos Hipigal, e que se vai desenvolver ós días 10 ó 12 de Febreiro

2º.- Aprobar o proxecto de convenio, que de seguido se transcribe, para o desenvolvemento do evento entre o Concello de Vigo e Servicios Hípicos Hipigal.

3º.- Aprobar o gasto de 150.000 euros a favor da entidade Servicios Hípicos Hipigal, S.L. con CIF: B-36873354 con enderezo en Roade, 72 de Vigo C.P. 36208 a conta para o aboamento é a c/c 2091 0511 35 3040028470. Se fará o pagamento deste importe coa certificación dun técnico de deportes sobre o desenvolvemento da actividade e cumprimento do convenio , así como a presentación das facturas orixinais por parte de Servicios Hípicos Hipigal, ata completar a cantidade de 150.000 euros

CONVENIO ENTRE O CONCELLO DE VIGO E “SERVICIOS HÍPICOS HIPIGAL. S.L.” PARA A COPA DO MUNDO DE SALTO DE OBSTÁCULOS DE VIGO (CSI-W), QUE TERÁ LUGAR EN VIGO DOS DÍAS 10 Ó 12 DE FEBREIRO DO 2006

No Concello de Vigo, a de do 2.006

Dunha parte: Dna. Corina Porro Martinez, Alcaldesa de Vigo

Doutra parte: D.Manuel María Fernández de Sousa-Faro, co DNI 1385544 R en nome e representación da sociedade “Servicios Hípicos Hipigal, S.L.” CIF: B-36873354

Ámbalas dúas partes recoñecese mutuamente con capacidade e competencia para formalizar o presente convenio.

EXPOÑEN:

Que en aras do interese Deportivo e social que para a cidade de Vigo ten a realización da COPA DO MUNDO DE SALTO DE OBSTÁCULOS DE VIGO (CSI-W) que con grande éxito vense celebrando desde principios de século, o Excmo. Concello de Vigo e a Entidade “Servicios Hípicos Hipigal, S.A.” conveñen a realización do mesmo durante o vindeiros días 10 ó 12 de febreiro do 2006 nos seguintes termos:

ESTIPULACIÓNS:

PRIMEIRA: O Excmo. Concello de Vigo comprometése a:

1.1.- Autorizar a organización da COPA DO MUNDO DE SALTO DE OBSTÁCULOS DE VIGO (CSI-W) a “Servicios Hípicos Hipigal, S.A.” para a celebración do mesmo os días 10 ó 12 de febreiro do 2006

1.2.- Aboar a “Servicios Hípicos Hipigal, S.L.” os gastos relacionadas coa adaptación do recinto feiral relacionados coa instalacion, montaxe e o desenvolvemento do concurso hípico por unha cantidade de 150.000 euros, con cargo á partida 4521.470.00.01 da Concellería de deportes do vixente orzamento.

O importe aboarase coa certificación e presentación de facturas orixinais ata completar a totalidade da cantidade prevista no presente convenio unha vez rematado o evento.

SEGUNDA.- “Servicios Hípicos Hipigal, S.L.” asume as seguintes obrigas:

2.1.-Organizar a COPA DO MUNDO DE SALTO DE OBSTÁCULOS DE VIGO (CSI-W) nas datas do 10 ó 12 de febreiro do 2006.

2.2.-Xestionar a explotación dunha área para o servicios de bares e cafeterías, dentro do recinto feiral como complemento e servicio o publico asistente o concurso hípico.

2.3.-Asumir o compromiso asignado coa Fundación IFEVI, xestora do Recinto Feiral, sobre a utilización do recinto Feiral de Cotogrande.

2.4.-Asumir as responsabilidades derivadas da organización do evento, cubrindo unha póliza de responsabilidade civil.

2.5.-A organización facilitará á Concellería de Deportes un numero de invitacións suficientes a fin de poder promocionar este evento deportivo na cidade.

2.6.- Entre os idiomas utilizados para a promoción deste evento terá que aparecer necesariamente o galego

TERCEIRA: O seguimento da execución do presente convenio será realizado pola Concellería de Deportes do Excmo. Concello de Vigo, comprometéndose “Servicios Hípicos Hipigal, S.L.” a xustificar debidamente ante as mesmas os gastos efectuados para a realización da COPA DO MUNDO DE SALTO DE OBSTÁCULOS DE VIGO (CSI-W).

A Concelleira de Deportes queda facultada para solucionar as posibles controversias derivadas da execución e interpretación deste convenio.

CUARTA.- O prazo do convenio será única e exclusivamente para a realización da COPA DO MUNDO DE SALTO DE OBSTÁCULOS DE VIGO de Vigo 2006

QUINTO .- Así mesmo acordan que tódolos ingresos derivados de: venda de entradas, apostas, matriculas, alugamentos, así como calquera outro ingreso proveniente do referido Concurso Hípico, serán percibidos en beneficio de “Servicios Hípicos Hipigal, S.L.”.

Así o conveñen no lugar e data no encabezamento expresados e asinan por duplicado o presente documento.

E sen ter máis asuntos que tratar, a Sra. presidenta rematou a sesión ás dez horas e vinte e cinco minutos. Como secretaria dou fé.

me.

A CONCELLEIRA-SECRETARIA
DA XUNTA DE GOBERNO LOCAL,

Lucía Molaes Pérez